


HOËRSKOOL MONTANA



GODSDIENSBELEID

INHOUDSOPGAWE

	Page number
1. Inleiding	3
2. Akronieme wat in hierdie beleid gebruik word	3
3. Wetgewing wat hierdie beleid reguleer	3
4. Algemeen	3-4
5. Aanhef	4-5
6. Woordomskrywings	5-6
7. Hoërskool Montana se godsdiensbeleid	6-7
8. Beleids wysigings	7
9. Wysigingsgeskiedenis	8

1. INLEIDING

Hierdie beleid is opgestel ingevolge die vereiste dat die skoolbeheerliggaam 'n Godsdienstbeleid moet hê, en om te verseker dat die skool se Godsdienstbeleid in ooreenstemming is met provinsiale en nasionale wetgewing, regulasies en voorskrifte, en dat dit die spesifieke omstandighede van die skool in ag neem.

2. AKRONIEME WAT IN HIERDIE BELEID GEBRUIK WORD

Geen akronieme word in hierdie beleid gebruik nie.

3. WETGEWING WAT HIERDIE BELEID REGULEER

Die skool se Godsdienstbeleid verwys na en is in ooreenstemming met die volgende wetgewing:

- Die Grondwet van die Republiek van Suid-Afrika (Wet 108 of 1996)
- Die Suid-Afrikaanse Skolewet (Wet 84 van 1996)
- Die Grondwet van die Republiek van Suid-Afrika Artikel 15(1) bepaal dat elke persoon die reg het op Vryheid van gewete, godsdienst, denke, oortuiging en mening
- Die Grondwet van die Republiek van Suid-Afrika Artikel 15(2)
- Organisasie vir Godsdienste-onderwys en Demokrasie v Laerskool Randhart and others (Gauteng High Court case no. 29847/14)

•

4. ALGEMEEN

4.1 Hierdie beleid is bepaal deur die beheerliggaam van Hoërskool Montana (die "Skool") ooreenkomstig met die Suid-Afrikaanse Skolewet (Wet No. 84 van 1996, soos gewysig).

4.2 Hierdie beleid is in Augustus 2025 deur die beheerliggaam van die Skool opgestel en aanvaar, in ooreenstemming met toepaslike wetgewing. Hierdie beleid verwys na daardie wette waar toepaslik. Die beheerliggaam van die Skool behou die reg voor om hierdie beleid te wysig indien dit op enige stadium met toepaslike wetgewing in stryd sou wees.

4.3 Hierdie beleid word te alle tye geïnterpreteer en toegepas op 'n wyse wat **die beste belange van alle betrokke leerders** en onderwysers beskerm en bevorder.

4.4 Alle verwante navrae rakende die beleid of navrae moet aan die skoolhoof se kantoor gerig word:

Administratiewe beampte in ontvangs: me Natasha Esterhuizen	
Tel Nr:	023 347 0476
E-posadres:	ontvangs@monties.co.za
Fisiese adres:	Kluestraat Worcester 6850
Posadres:	Posbus 520 Worcester 6850

5. AANHEF

Hierdie dokument is die godsdienstebeleid van Hoërskool Montana, soos die beheerliggaam dit goedgekeur het. Die godsdienstebeleid erken die fundamentele waardes wat in die Grondwet van die Republiek van Suid-Afrika, Wet 108 van 1996; die toepaslike bepalings van die Suid-Afrikaanse Skolewet, Wet 84 van 1996, en ander tersaaklike provinsiale wetgewing vervat word.

Artikel 15(1) van die Grondwet bepaal dat elke persoon die reg het op vryheid van gewete, godsdienste, denke, oortuiging en mening.

Artikel 15(2) bepaal voorts dat godsdienstebeoefening by staats- of staatsondersteunde instellings kan geskied, mits:

- (a) sodanige beoefening die reëls nakom wat deur die tersaaklike openbare owerheid neergelê is;
- (b) dit op 'n billike grondslag geskied; en
- (c) bywoning daarvan vry en vrywillig is.

Hoërskool Montana erken dat (a) bogenoemde regte nie absoluut is nie en deur artikel 36 van die Grondwet beperk kan word, en (b) sodanige regte inderdaad beperk is deur 'n hofbevel wat dit as strydig met artikel 7 van die Skolewet verklaar het vir 'n openbare skool om

- (i) die skool te bevorder of deur sy personeel te laat bevorder as 'n instansie wat 'n enkele of hoofsaaklik 'n enkele godsdienste tot uitsluiting van 'n ander aanhang, en
- (ii) hom uit te gee as 'n instansie wat die belange van enige bepaalde godsdienste bo 'n ander bevorder.¹

¹ *Organisasie vir Godsdienste-onderrig en Demokrasie v Laerskool Randhart and others* (Gauteng High Court case no. 29847/14)

Daarbenewens erken die skool dat regters van die hoogste hof in die land soos volg bevind het:

- “[F]or equitable offerings ... education authorities [should] ... allow schools to offer the prayers that may be most appropriate for a particular school, to have that decision taken in an equitable manner applicable to all schools, and to oblige them to do so in a way which does not give rise to indirect coercion of the ‘non-believers’ ...
- Requiring that government act even-handedly does not demand a commitment to scrupulous secularism, or a commitment to complete neutrality ... “[F]or example, in the context of religious observances at local schools, the requirement of equity may dictate that the religious observances held should reflect, if possible, the religious beliefs of that particular community or group.”

Hoewel die Nasionale Godsdiensbeleid nie-bindend is, het die skool die inhoud daarvan in ag geneem in die ontwikkeling van hierdie skoolspesefieke beleid en reëls.

Artikel 7 van die Suid-Afrikaanse Skolewet verleen aan die beheerliggaam die mag om die reëls ingevolge waarvan godsdiensbeoefening moet geskied, te bepaal. Hierdie mag is onderhewig aan die Grondwet en enige ander toepaslike provinsiale wetgewing. Godsdiensbeoefening moet op ’n gelyke grondslag geskied, en opvoeders en leerders se bywoning moet vrywillig wees.

Op grond van bogenoemde het die beheerliggaam van Hoërskool Montana hierdie godsdiensbeleid met inagneming van die godsdienstige samestelling van die skool en ter uitvoering van die missie van die skool opgestel.

Hoërskool Montana onderneem om te verseker dat elke verteenwoordigende godsdiens by die skool op gelyke grondslag hanteer sal word.

5. WOORDOMSKRYWINGS

‘Godsdiens’ – verwys na die omvattende en fundamentele oriëntasies in die wêreld, met bepaalde verwysing na heilige, spirituele en nie sekulêre oortuigings; vereis toewyding; sluit georganiseerde vorme van geloof en sekere wêreldbeskouinge in, en word ook kollektief gebruik om na daardie organisasies te verwys wat opgerig is ten einde hierdie oortuigings te beskerm en te bevorder.

‘Godsdiensteonderrig’ – verwys na ’n kurrikulêre program met duidelike en ouderdomsverwante opvoedkundige doelwitte wat vir die onderrig en leer van godsdiens, godsdienste en godsdienstige diversiteit in Suid-Afrika en die wêreld deur die

Departement van Onderwys voorgeskryf word. Die studie van godsdiens moet ten doel hê om herkenbare opvoedkundige doelwitte te bereik wat in ooreenstemming is met die doelwitte en uitkomst van ander leerareas, en programme in Godsdiensteonderrig moet, soos ander leerareas in die kurrikulum, tot die ontwikkeling van grondliggende waarnemings-, luister-, lees-, skryf- en denkvaardighede bydra.

'Godsdiensteonderrig' – verwys na 'n program met inligting oor 'n bepaalde godsdiens wat ten doel het om navolging van daardie bepaalde godsdiens te bevorder. Die beheerliggaam beskou die huisgesin en geloofsgemeenskap as die hoofvoorsieners van godsdiensonderrig. Die skool is 'n opvoedkundige instelling, en godsdiensonderrig maak dus nie deel uit van die formele skoolprogram nie. Die skool sal wél sy geriewe vir sodanige programme beskikbaar stel, met dien verstande dat godsdiensonderrig nie met die formele opvoedkundige doelwitte van die skool inmeng nie.

'Godsdienstebeoefening' – dui op daardie aktiwiteite of optrede wat aan die waardes van 'n bepaalde geloof of oortuiging uiting gee, en sluit onder andere bidure, Skriflesing, kleredrag en diëte in. Ingevolge die Suid-Afrikaanse Skolewet kan godsdiensbeoefening op die volgende maniere geskied:

- Vrywillige, openbare geleentheid waar die skool se geriewe vir die doel van godsdiensbeoefening gebruik word
- Vrywillige geleentheid (in skooltyd) deur die skoolgemeenskap (leerders en opvoeders)
- Vrywillige geleentheid pouses by die skool

6. HOËRSKOOL MONTANA SE GODSDIENSBELEID

Ter uitvoering van die skool se visie en missie is Hoërskool Montana se godsdiensbeleid op 'n enkele godsdiens, die Christelike geloof, gegrond. Omdat Hoërskool Montana die waardes in die Handves van Regte erken en eerbiedig, verseker die beheerliggaam dat die beoefening van ander godsdienste gerespekteer en in ag geneem sal word. Opvoeders en leerders sal die bepaalde godsdiensbeoefening vrywillig kan bywoon. Die skool sal opvoeders of leerders geensins verplig om aan godsdienstige aktiwiteite deel te neem waarteen hulle 'n gewetensbeswaar het nie. Alternatiewe reëlins sal getref word vir toesig oor die leerders wat nié die godsdiensbeoefening wil bywoon nie. Leerders moet die skool van 'n brief voorsien waarin hul ouers die gewetensbeswaar bevestig.

Godsdiensteonderrig sal ooreenkomstig die Nasionale Beleid oor Godsdiens en Opvoeding geskied. Dié onderrig maak deel uit van die leerarea Lewensoriëntering. Sodanige onderrig sal vanuit die skool se oogpunt geskied soos wat sy missie en visie dit bepaal.

Geen opvoeder sal verplig word om godsdiensteonderrig te gee indien hy/sy 'n gewetensbeswaar teen die inhoud van die kurrikulum het nie. Sodanige beswaar moet

skriftelik aan die skoolhoof oorgedra word. Die beheerliggaam kán oorweeg om 'n persoon/persone aan te stel wat nie 'n probleem sal hê om die bepaalde program aan te bied nie.

Hoërskool Montana sal sy geriewe vir godsdiensbeoefening deur enige verteenwoordigende godsdienstige groep in die skool beskikbaar stel. Sodanige beoefening mag slegs buite skoolure geskied, mag nie op die formele opvoedkundige doelwitte van die skool inbreuk maak nie, en is onderhewig aan voorwaardes wat die beheerliggaam bepaal.

Hoërskool Montana sal sover moontlik begrip en respek vir godsdienstige diversiteit bevorder en uitbou.


BELEIDSWYSIGINGS

Die gekose beheerliggaam van Hoërskool Montana mag van tyd tot tyd hierdie beleid wysig, aanvul, verander of aanpas.

Geteken te Hoërskool Montana op 1 dag van September 2025



Voorsitter: Beheerliggaam



Skoolhoof

SEKRETARIS VAN DIE BEHEERLIGGAAM

Beleid saamgestel en aangepas deur mnr. PP Botes (skoolhoof) vanaf ander soortgelyke beleide.

Datum van laaste hersiening: Donderdag, 14 Augustus 2025

BELEIDREGISTER-BESONDERHEDE

TITEL VAN BELEID	Godsdienstbeleid
DATUM GOEDGEKEUR DEUR DIE SBL	1 September 2025
INWERKINGTREDINGSDATUM	1 September 2025
VERVALDATUM	Hierdie beleid bly in werking totdat dit gewysig of vervang word EN deur die SBL goedgekeur word.
HERSIENERINGS DATUM	Drie jaar of vroeër vanaf die datum van aanvaarding. Elke SBL behoort hierdie beleid minstens een keer gedurende sy termyn in die amp te hersien.
WYSIGINGSGESKIEDENIS	